

Segun Fraccion di MEP

Tin por lo menos 10 factor pa vota contra e proyecto di Urirama

DIAHUEBS awor 31 di januari parlamento lo trata e proyecto di Urirama den un reunion publico. MEP a pidi e reunion aki na mei 2012, 8 luna pasa. Na juni MEP a manda pidi docu-

mento, relaciona cu promesa di Mike Eman pa hala e molinanan 150 meter leu di kapel di Alto Vista. Pero te dia di awe no a ricibi e documentonan ey. Den November y December 2012 e

fraccion a haci diferente pregunta por escrito na Gobierno, cu te dia di awe no a haya contesta tampoco. Manera cos ta pinta ya AVP ta dicidido caba cu e proyecto aki MESTER bin, y

no kier scucha nada otro. Tanto Mike Eman como Mike de Mesa a indica bon cla cu gobierno ta determina pa sigui cu e proyecto y no ta importa nada otro. Mike Eman ta trapa riba interesnan di

e miles di habitante di Noord, sin importa nan preocupacion y nan dolor. Es mas Gobierno a mara tur desaroyo y resultadonan financiero na e proyecto, entre otro e presupuesto di pais Aruba. Loke tabata na duda ta si algun parlamentario di AVP lo tin curashi pa bay contra e proyecto. Pero nos a mira un señal manda caba pa fraccion di AVP cua direccion nan lo bay y AVP a manda e mensahe cu cualkier decision ta aceptabel y hustificabel. Partido MEP no ta di acuerdo cu esaki y ta kere cu tin por lo menos 10 factor pa vota contra e proyecto di Urirama. 1 Factor Salud: No tin ningun estudio cu ta exclui e riesgo y peligro pa salud di hendenan. 2. Factor Naturala: Ta destrui naturalesa sin tin motibo valido y sin cu e ta berdaderamente necesario. 3. Factor Economico : Declaracion di WEB ta segura cu e proyecto lo NO beneficia e pueblo cu energia mas barata. 4. Factor Financiero: No tin ningun garantia cu e proyecto no ta bay costa e pueblo ningun cen. 5. Factor Cultural : E proyecto ta bay contra e deseo di e pueblo pa mantene e vecindario di e Kapel di Alto Vista intacto manera e ta historicamente y originalmente. 6. Factor Religioso : No ta tene cuenta cu e sentimento religioso di e pueblo. 7. Factor Turistico : No tin ningun garantia cu e proyecto no ta bay afecta turismo di Aruba tanto pa loke ta toca e Kapel di Alto Vista y e hotelnan den cercania. 8. Factor Huridico : No tin espacio den leynan actual pa por duna permiso pa haci cualkier cambio cu e naturalesa y construi ey banda. 9. Factor Democratico : A compromete un pueblo cu un proyecto cu e no ta desea, sin aplica principionan di bon gobernacion. 10. Factor Internacional : Tur caminda di mundo ta stop cu proyectonan asina manera na Hulanda, Tweede kamer, a pone un paro na proyecto di molinanan di biento.

FALL IN LOVE
every single day.

REAL CARS
Real people

New Chevrolet Trax 2013
Make the city yours.

Design, functionality and technology
which make any road a complete experience.

sterngm.com

